

壽

三

文粹卷第十一

古調二 摠四十六首

吳興姚

鉉

楚騷

九諷

反招魂

悼賈

皮日休

效古

江有楓一篇

菊榮五章

蕭穎士

有竹一篇

蕭穎士

蟬鳴五章

宋華

涼雨一篇

蕭穎士

虞獲子鹿一篇

韋應物

上古之什補亡訓傳十三章

顧况

倬彼我系一首 王勃

元和聖德詩一首 韓愈

鄆州谿堂詩一首 韓愈

漢隄詩一首

盧肇

有所恨二章 歐陽詹

水悠悠二章

韓愈

九諷系述 并序

皮日休

昔在屈平既放作離騷經正詭俗而為九歌辨窮愁而為九章是後詞人據而為之皆所以嗜其麗詞揮其逸藻者也至若宋玉之九辨王褒之九懷劉向之九歎王逸之九思其為清怨素艷幽快古秀皆得芝蘭之芬芳鸞鳳之毛羽也然自原已降繼而作者

皆相去數百祀足知其文難述其辭罕繼者矣大凡有文人不擇
難易皆出於毫端者乃大作者也揚雄之文丘軻乎而有廣騷也
梁竦之辭班馬乎而有悼騷也又不知王逸奚罪其文不以二家
之述為離騷之兩派也昔者聖賢不偶命必著書以見志況斯文
之怨抑歎噫吾之道不為不明吾之命未為不偶而見志斯文者
吾懼來世任臣之君因謗而去賢持祿之士以猜而遠德故復嗣
數賢之作以九為數命之為九諷焉嗚呼百世之下復有修離騷
章句者乎則吾之文未過不為乎廣騷悼騷也

學句置之薄俗兮其風狡而且苦吾欲以直道據其邪心兮皆騁
容而莫顧前誨行兮後上高諭仰兮下俯咸為吾之儂為愚兮並
以吾之靈為樞羌靈脩之乃吾知兮先職我而為輔奈其臣之信
信兮及不知吾之所撫吾欲以明詰之性辨君臣之分兮定文物
之數吾欲以正訐之道兮進忠賢而退姦豎吾欲以醇醲之化兮
反當今而為往古吾欲以付度之志兮定觚圓而反規矩念儻
之在位兮若曩年之當路內灼懼以如律兮復何知其所趨乃指天

而鬱鬱兮將天奪乎國祐永惛惛以何言兮將求知其言祖

正俗

有妨兮點而謂之不繁有泉兮壅而謂之不決有莛兮籥而謂之
不芬有軸兮軟而謂之不輒聲咷嗃希以無音兮氣鬱泥而空
咽既恣怒以增懼兮又謾謾而漫不訣証詎祖以為鴉兮謫孺子
以為羗駭衆人之難信兮擗夸者之不悅佞為疵兮何去姦為疔
兮莫副諧譁為響兮莫御謗為玉兮何切彘既臞而必烹兮木
方爰好兮必折心韃韃而似車兮思縣縣而如袂手欲動兮似
琴足將行兮如綫既不辨其顏跖兮遂一貫於堯桀吾哀生之不
遂兮奚至死而撥撥念帝座之不燠地朗兮故交光於卷舌既何
路以自辨兮遂沒齒而癆刺

遇謗

斯尚之言兮美如嬈子蘭之氣兮醲於醒既怒驟音驟以相向兮遂
裹足而南征面懼懼以美色心慄慄兮何情耳方聰兮忽驟目正
視兮忽盲目當午兮便吳天方晝兮不明欲泣兮有血將啼兮失

齊望靈脩兮似失出國門兮若驚軻識然兮亦緩駟知愁兮復鳴
既徜徉兮夏水復眷戀兮南荆嗟余夙秉於大訓兮涵清骨之忠
貞既質質者之莫予容兮向重寤而自盟既憐憫兮南仁以憑義兮
參誠信而規規誠將具宰之不仁兮明為役余以此生彼鸞斯
之有賦兮固不能容乎鶴鷓彼茨菘之叢穢兮固不能讓乎杜蘅
已矣乎國無人兮莫我留將訴帝于玉京

見逐

荷為凋如半兮芰為襪裨荃為楸楸如兮薛為禕頰吾棹兮漣之
浦駐吾楫兮湘之湄悲莫悲兮新去國怨莫怨兮新相思幽篁
簫兮靜晚清漪澹兮去澤湘君欲出兮風水急帝子不來兮煙雨
微芷既老兮白蘋如日將暮兮紅菱朝浮乎鷓鴣啼兮叫乎鷓
雉搗札流蕩兮不止黃黃悠悠兮何之日出沒兮北渚雲依依兮
九疑既無人以辯余兮又何心而怨咨退不鮮其悅悒悒兮
進不知其丑尼寒峭然而無聲兮古木悽其冥枝嗟吾鬼之不反
兮千秋萬歲湘中馳

悲遊

慨天道之不明兮何獨生此大佞若狄鳩鳩之能冠兮當一國
而持柄見亂臣之反詐兮信其主以不競敵已覆而又博兮位位
切特翻而不整不思心腹之疾兮又玩膏肓之病竟客死於咸陽
兮終不作毒王之幸既養魏以爲患兮遂倒針以授柄將
諛臣以肆禍兮豈上天之付命與吾大以爲不可兮彼以災而爲
慶儻靈均之鬼有知兮刷吾恥於下暝

憫邪

有美一人兮端憂千喑蔭萬愁兮曾不得以少休腸結多以吳
迴兮淚啼極而不流王孫何處兮碧草極目公子不來兮清湘痛
樓汀邊月色兮曉將曉浦上蘆花兮秋復秋天沉寥以似萍兮半
曉碎以如抽管管嶼兮兩岸杜若死兮霜洲清奈程兮灩澦之側整
余百兮湘之望文須髮兮秭歸夢懷宋玉兮荆門愁欲向天以號
咷兮才思不可少留又不知吾魄所處兮永寔寔以悠悠

端憂

山之巔兮水之淡桂為祠兮蘭為祀執玉持兮扣雷鼓奠金盞兮
滴浮蟻薦瓊芳兮望暮雲獻椒醑兮拜寒水祝彤蜺以怪談兮巫
妖治而魅醉波閃修兮湘君竹蕭疎兮帝子曰將暮兮河伯欬正
深兮山鬼神之化兮何方人之艱兮至此胡不化其邪而為正兮
胡不反其戾而為義胡不轉其亡而為興兮胡不易其亂而為治
但血食於下國兮罪不少禪於有位吾將乘青螭而駕白蚪兮謁
帝而訴神之累請天弘發鏃兮天指行箒神速悔亦兮俾吾靈備
而易志

紀祀

粵吾秉志兮繫於瑾瑜芬其德而芳其道兮榮於蕪蕪蕪符與因
以見罪兮觀佐王而蒙辜彼群小之首首兮如慕臭之蠶蜂以大
鵬為爵兮以康瓠為觥以衮衣為樂兮以黎丘為墟以鄭姬為醜
兮以子產為愚以鮑焦為貪兮以孔聖為巫吾將奮麟於太空兮
奚獨慕此江湖吾將發策於蟠桃兮奚獨守此高婁吾將蕩其
兮驟風軋與軋車謁帝於其宜之天兮秉其生殺之權將翺一以

高逝兮亦何必讓此佞邪之故都

捨慕

堯死兮舜滅禹殄兮湯絕以玉兮將沈如金兮求沒行以仁兮止
以義生以貞兮死以繫念余曾不足以蹈聖廟兮亦慕茲而自悅
湘浦兮煙深沅江兮風切顧影兮自憐撫躬兮求諫鬼慘兮神悲
兩泣兮泉咽竟汨沒以笑淵淪兮求幽憂而悌鬱湘之山兮未盡湘
之流兮不竭千秋兮愁雲萬古兮明月靈均之冤兮孰能銷其氣
靈均之愁兮孰能釋其結來者之目鑒兮無致位於牙孽

劫系死

反招魂并序

皮日休

屈平作大招魂賦曰景差作宋玉作招魂皮子以為忠放不如守

介而死奚招魂為故作反招魂一篇以辨之辭曰

承溟滓之命兮付余才而輔君君既不得乎志兮余飄飄而播遷
余蕩大空而就滅兮君又招余俾復身余詣帝以請諫兮帝俾巫
陽以筮去巫陽語余以不可歸兮故作詞以招君乃下招曰余君

歸來故都慎不可留此其君雄虺兮其民封狐些食民之肝鬪
以為其肉兮摘民之髮膚以為其衣些朝刀鋸而暮鼎鑊兮上燬
昧而下墨眉呆癡些君兮歸來故都慎不可留此余昔為比干之
魄兮干慘而余去此未聞干貪生以自招兮余竟結其所處些君
兮歸來故都慎不可留此余昔為伍胥之魄兮胥慘而余逝此未
聞胥貪位以惜生兮執屬鑊而不滯些君兮歸來故都慎不可留
此余昔為弘演之魄兮演自殘而余行些余未聞演惜余以不死
兮俾其義而益明此君兮歸來故都慎不可留此帝命余以輔君
兮亦以君之忠介此今以忠而見聞兮尚盤桓而有待些將自富
貴而入羈旅兮其志乃悔些將戀骨肉而惜家族兮何不自裁些
梟食母而獍食父兮見禽獸之為生些苟歿殘者眉壽兮實梟
鏡而同名些君乎慎勿懷故都之戀歸來乎余為君存千古忠烈
之榮枯些

卓賈井序

皮日休

余嘗讀賈誼新書見其經濟之道真命世王佐之才也自此漢氏

華靡高祖得於矢石不暇延儒士及為天子制缺度弛劇華而美
是時獨有叔孫生能定朝儀其制栗悉唯生草其書欲以制屈諸
侯推定正朔調革輿服通流貨物天不祐漢絳灌與謗竟狂其道
出傳湘沅生自以不得志哀屈平之放逐及渡湘沅文以弔之故
其辭曰騶搖九州而相君兮何必懷此故都噫余釋生之意矣當
戰國時屈平不用於荆則有齊趙秦魏矣何不捨荆而相他國乎
余謂平雖遭靳尚之譏不忍捨同姓之邦為他國之相且矣
然則生之見棄又甚於平當漢時捨文帝則諸侯矣如商諸侯則
新書之文抑諸侯而尊天子也捨諸侯則胡越矣則新書之文城
胡越而崇中夏也是以其心切其價深其詞隱而麗其源傷而雅
余悲生哀平之見棄又生不能自明其道嗚呼聖賢之文與道也
求知與用苟不在於一時而在於百世之後者千其生之哀平歟
余之悲生歟吾之道也廢與用幸未可知但不知百世之後得其
文而存之者復何人也咸通癸未中南浮至沅湘復沈文以悼之
其辭曰

粵炎繼之媽懸方其國度之未彰天錫生以命理方異其道之益
光偉吳公之知賢其方道其名於文皇既轉刃啟軫以乃召之方遂位
之於上庠愍耄儒之愚愚方對天問之不臧既群儒之讓後方馳
其譽之煌煌嗟大漢之不續方料其賢於汗黃上下溷而不分方
議制削於驕王殺慘於而不制方折挫胡與寇攘差虜公至以侵華
方曾不能以抑強解其嗜曾之延延方寔三代之計良念五德之更
承方論遺結而不綱乃秉臆以興說方數用五而色尚黃又諸侯
以開國方輸其租於咸陽曾不得以撫民方俾其君方何忘謂紆
綱以乘印方各馳化於所疆上既悅而欲大用方遭維灌與東陽
道既擯方何明乃出傳於沅湘浮沅波之翕沓方或凍掉以夷猶
望靈均之沒所方顛顛其心之怛怛獸臨汨羅之浩漾方想懷沙
之幽憂森摻離以義摻數方時進火以相號霧雨暗乎其清曠
毒乎芳洲景黯黯以不明方若天悼乎離騷香依依方杜若韻淒淒
淒兮篋發勞山隱隱以綿空方煙微微而淡秋羌五杵不知所感方淚
廣恨以橫流當抱續於渺瀰方曾無足以少休既焚亂以傷思方

又鴝鵒以動愁嗚呼哀哉世既不平領吾道以為非方吾復何依
蘋蘭憔悴兮稂莠繁滋麟鳳匿迹兮梟獍騰威憤匠罷斧兮拙者
構之離婁閉目兮瞽者揚眉子都蒙袂兮敦洽聘姿嗚呼哀哉亦
先生之尤也胎起其世之不可兮何不解而去位又垂萬世之名
取捨在此奚自謗於童殺兮乃憫然而為累蓋伊尹三就五就之
心兮冀其民之可治柰惛惛以不悟兮又被之以非議幸一人之
再覺兮荅受釐之與義既辱王以墮駕兮乃冤慟而已矣訊曰君
不明兮莫我知幽都寂兮和涕歸文懸日月兮俟後聖用之大故
忽兮其何足悲

江有楓一篇十章 并序

蕭穎士

江有楓思陸鄭二友吳會舊遊且疾讒也君官於尹府以直方不
偶見福讒佞惟古之賢者有避色避言之義矯然去之二室之間
有檇樹焉與江南楓形胥類憩於其下而作是詩以貽夫二三子焉
江有楓其葉蒙蒙我友自東于以遊從山有檇其葉漠漠我友徂
北于以休息想彼檇矣亦類其楓矧伊懷人而忘于東東可遊矣

會之丘矣于山于水于廟于寺于亭于里君子遊焉于日宴喜其
樂疊疊粵東可居彼吳之墟有田有庭有朋有書有尊有魚君子
居焉惟以宴醕其樂徐徐我朋在矣彼陸之子彼陸之子如松如杞
泚問不已我友于征彼鄭之子子彼鄭也如瑋如英德音孔明我思
震澤羨羨暮暮寤寐如覩我思剡谿杉篠萋萋寤寐無迷有鳥有
鳥粵鷗與鷺浮湍戲渚皓然潔素忘其猜妬彼何人斯曾足傷懼
此懼維何懼寘于羅彼驕者子子諷言孔多我聞先師體命委何和
公伯之愬則如予何悵然山河惟以嘯歌其憂也哉

菊榮一篇五章并序

菊榮酬贈離且申志也夕寓大邑賢宰宋侯惠而好予賦鳴蟬以
賦別有懷相規備厥率章于以報焉

采采者菊芬其榮斯紫英黃萼照灼丹墀愷悌君子佩服攸宜王
國是維大君是毗宋即太尉文昭爾子孫百祿萃之
采采者菊于邑之城舊根新莖布葉垂英彼美淑人應家之禎有
弦既鳴我政則平宜爾棟崇必復其慶

采采者菊于邦之府陰槐繁樹近楹近宇彼勞者子喧卑是歎慨
其莫知蘊結誰語人彼高人色斯遐舉

采采者菊于賓之館既低其枝又弱其餘有匪君子是焉披翫良
辰白酒宴飲無筭滄其此別終然永歎

歲方晏矣霜露殘促誰其榮斯有英者菊豈微春華懿此貞色人
之侮我混于新棘詩人有言好是正直

有竹一篇七章并序

蕭穎士

有竹懿李新後閣而燕親友也

有竹斯竿于閣之前君子秉心惟其貞堅亦有竿斯竹于閣之側

君子秉操惟其正直兮彼蔚者竹蕭蕭其森矣有開者閣宛其深矣

迴簷幽砌如翼如齒冬之宵霰散雪斯漉我有金鑪煴其以飲貞之

日炎景斯鬱鬱我有珍簞淩其以栗彼紛者務休其豫矣有旨者酒

歡其且矣友僚萃止附萼載鞞彼美公之姓兮那歟應積慶兮期

子惟去之柄兮

蟬鳴感秋興送將歸也僻守外邑而蘭陵子相過話朝言歸賦詩見志以申贈焉

蟬其鳴矣于彼疎桐庇影容跡何往不容嚶嚶其長承託于風未見君子我心忡忡既見君子樂且有融

彼蟬鳴矣于林之表含風飲露以樂五音道有懷載遷伊誰之保未見君子我心悄悄既見君子彼豁予抱

蟬鳴蟬鳴幽暢乎而蕭蕭爾庭遠近涼颺言赴高柳叢叢皇間之思而不見如渴如飢亦既觀止我心則夷

蟬鳴伊何時運未與匪歎秋想想斯路阻願言莫必撥發悒誰語君子至止慰我延佇何斯違斯修爾遐舉

歲之秋深蟬其夕吟披衣軒除蕭蕭風林我友來斯言告維衿何以叙懷臨水鳴琴何以贈言委順浮沉

涼雨一章 并序

蕭穎士

涼雨志揚侯樂賓僚也

習習涼雨泠泠浮颺君子樂胥于其賓僚有女斯天式歌且謠欲

言終宵惟以招邀于宵樂兮

虞獲子鹿一篇 并序

韋應物

虞獲子鹿閩園鹿也遭虞之機張見畜於人不得遂其天性焉

虞獲子鹿畜之城陬園有美草池有清流但見蹙蹙亦聞呦呦誰知其思巖谷之游

上古之什補亡訓傳十二章

顧況

上古勉農也

遐哉上古生棄與柱勾龍氏主乃有甫田惟彼甫田有萬斯年開利之源無乃塞源一厘亦官百厘亦官嗚夫孔艱浸兮嘆兮申有

漢鏹犁手耕足賦水之蛭蟻吮喋我肌我姑自思胡不奮飛東之

利自西人利自西有匪我心胡為不易河水活活萬人逐末俾爾之

上古之什一章

左車憑險也 憑險不已君子憂心而作是詩也

左車有慶萬八猶病鳥可去之于黨孔盛敏爾之生胡為波并
左車有赫萬人毒螫鳥可去之于黨孔碩敏爾之生胡為草戚

左車二章

築城刺臨戎也寺人臨戎以墓塋為城壁

築城登登于以作固咨爾寺兮發郊外家墓死而無知猶或不曰
若其有知惟上帝是愬

築城奔奔于以固敵咨爾寺兮發郊外家寔死而無知猶或不可
若其有知惟上帝是謫

築城二章

持斧啓戎士也戎士伐松柏為蒸薪孝子徘徊而作是詩

持斧持斧無翦我松柏兮

持斧一章

十月之郊造公室也君子居公室當思布德行化焉

十月之郊群木肇生陽潛地中舒達勾萌噎其蔚兮不可以遊息
乃煥蒺藜乃夷荆棘乃繇彼曲直匠氏度思登斧以時澤梁養養

無或夭枝有巨根帶生混茫際呼吸群籟萬入揮斤坎坎有厲陸

遷水濟百力殫弊審之固勢姪博其製作為公室公室既成禦燥

濕凡日棟之斯厚椽之斯密如翼于飛如鱗櫛比繚以周墉城以

崇階俯而望之轟與雲齊礪硤硤硤藻井旋題丹素之煥兮板桂

之馥兮高閣高閣珠綴結終金鋪爛若不焦于鳥雀繪事告畢賓

筵秩秩乃命旨酒琴瑟琴瑟在室莫不靜謐周環掩關仰不漏曰

冬日嚴凝言納其陽和載昇真自鬱鬱言用于陰涼風颯與有

匪君子自賢不已乃夢乘車也久占之更爽其居炎炎則

移皎皎則虧木實之發也明年息枝爰慶若思胡寧不爾思

十月之郊一章

燕于巢審日辰也燕不以甲乙配

燕燕于巢綴葺維戊甲兮乙兮不宜有謬飛能在天雲掩于斗星

日子雨乃曰庚午彼日之差亦孔斯醜昔在義和洒淫不修我筮

我龜莫我告繇術迺征之舜倫九疇君子授律是禡是禴三五不

備罔克攸遂惠此蒸人毋廢爾事爾莫我從維來者莫莫

燕于巢一章

蘇方諷商胡舶舟運蘇方歲發秩南林邑至齊國立盡
蘇方之赤在胡之舶其利乃博我土曠兮我居閩兮我本不白兮
朱紫爛兮傳瑞暉兮相唐虞之維百兮

蘇方一章

陵霜之華傷不實也

陵霜之華我心憂嗟陰之勝矣而陽不加坎輒陶鈞乃帝乃神乃
舒乃屯烈烈嚴秋熙熙陽春職生有倫今華發非其辰辰屬東方
之仁遐想三五黃帝登靈堯年百餘二儀分位六氣不渝二景如
辟五五星如珠陵霜之華兮何不妄敷

陵霜之華一章

困哀閩也

困音蹇閩俗呼子
為困父為郎罷

困生閩方閩吏得之乃絕其陽為滅為獲致金蒲室為脫為鉗如
視草木天道無知我罹其毒神道無知彼受其福郎罷別困吾悔
生汝及汝既生人勸不卒不從人言果獲是苦困別郎罷心摧血

下隔地絕天及至黃泉不得在郎罷前

困一章

我行自東不遑居也

我行自東山海其空旅棘有叢我行自西壘與雲齊雨雪凄凄我
行自南烈火蒲林日中無禽霧雨淫淫我行自北燭龍冥色何枉
不直我憂京京何道不行兮

我行自東一章

採蠟悲奢也荒巖之間有以蠟蒙其身罾藤造險及有群蜂肆
毒哀呼不應則上捨藤而下沈壑

採採者蠟于泉谷兮煌煌中堂烈華燭兮新歌善舞絃柱促兮
荒巖之人自取其毒兮

採蠟一章

倬彼我系一首

王勃兄勵序

倬彼我系舍弟號州參軍勃所作也傷道乎家貧道未成而受祿
不得如古之君子四十強而仕也故本其情性源其事業因陳先

人之迹以議出處致天爵之艱難也

倬彼我系出自自有周公驥錫社派別枝流居衛社宋臣臚相列迺

武迺文或公或侯

晉晉崩并衣冠授弊勇自太原播徂江蒞礼喪賢隱時也道閉王

室如數生人多瘡

伊我有器思逢其主自東旋西擇木開宇田彼河曲家乎汾浦天

未厭乱吾將誰輔

伊我祖德思濟九變不常以所于茲五遷欲及時也天豈願焉其

位雖屈其言則傳

爰述帝制大蒐王道曰天曰人是祖是考礼樂咸芳詩書具草貽

厥孫謀求為家寶

伊余小子信輒明哲彼網有條彼車有轡思屏人事克終前烈丁

嗟代網卒余來綬

來綬伊何謂余白仕我瞻先達三十方起夫豈不懷高山仰止願

言疏德以菽飲水

有鳥反哺其聲嗷嗷言念舊德憂心忉忉今我不養歲月其滔慚
俛從役豈敢告勞
從役伊何薄求卑位告勞伊何來參卿事名存實爽負信愆義靜
言遐思中心是愧

元和聖德詩一首 并序

韓愈

臣愈頓首再拜言曰臣伏見皇帝陛下即位以來誅流女效臣朝廷
清明無有欺蔽外斬楊惠琳劉闢以收夏蜀東定青徐積年之叛
海內怖駭不敢違越郊天告廟神靈歡喜風雨明晦無不從順太
平之期適當今日臣蒙被恩澤日與群臣序高宗宸殿下親望穆
穆之光而其職業又在以經籍教導國子誠宜率先作歌詩以稱
道盛德不可以詞語淺薄不足以自效為撰輒依古作四言元和
聖德詩一篇凡千有二十四字拍事實錄具載明天子文武神聖
以驚動百姓耳目傳示無極其詩曰
皇帝即祚物無違拒曰賜而賜曰雨而雨維是元年有盜在夏欲
覆其州以踵近武皇帝曰嘻豈不在我負鄙為艱縱則不可出師

征之其眾十旅軍其城下告以禍福腹敗技披不敢保聚擲首降
外降幡夜豎疆外之險莫過蜀土韋皇去鎮劉關守後血入于牙
不肯吐口開庫哨士曰隨所取汝張汝弓汝伐汝鼓汝為表書求
我帥汝事始上聞在列咸怒皇帝曰然嗟遠士女苟附而安則且
付與瀆命于庭出節少府朝發京師夕至其部闕喜謂黨汝振而
伍蜀可全有此不當受萬牛鬻肉萬甕行酒以錦纏股以紅怕首
有恠其忽有餌其誘其出攘攘隊以爲數遂劫東川遂據城阻皇
帝曰嗟其又可許爰命崇文分卒禁禦有安其驅無暴我野日行
三十餘壁其右關黨聚謀鹿頭是守崇文奉詔進退規矩戰不貪
殺擒不藍縷四方節度整兵頓馬上章乞討俟命起坐皇帝曰嘉
無汝煩苦荆并泊梁在國門戶出師三千各選爾醜四軍齊作殷
其如阜或披其角或脫其距長驅洋洋無有齟齬八月壬午闕奔
城走載妻與妾包裹稚乳是日崇文入處其宇分散逐捕搜原剔
發關窮見窘無地自處俯視大江不見洲渚遂自顛倒若杵投白
取之江中枷胆械手婦女纍纍啼哭拜叩求獻闕下以告廟社周

示城市咸使觀覩解脫攀索夾以砧斧婉婉弱子赤立偃僂牽頭
曳足先斷腰脊次及其徒體骸皆碎柱末乃取關該汗知烏揮刀紛
紘爭切贈賻優賞將吏珥珪綴組帛堆其家粟塞倉君便哀憐陣歿
廩給孤寡贈官封墓周而宏溥經戰伐地寬免租薄施分酬功急
疾如火天地中閒莫不順序幽恒青魏東盡海浦南至徐蔡區外
雜虜頽威赫德跋踏蹈舞掉弃兵革私膏蓋蓋來請來觀十百
其耦皇帝曰吁伯父叔舅各安爾位訓厥咄咄正月元日初見宗
祖躬執百禮登降拜俯薦饗新宮視瞻梁柱戚見容色淚落入俎
侍祠之臣助我惻楚乃以上辛於郊用牡除于國南鱗笱毛簋
廬幕周施開揭磊訶獸肴騰拳首膺帖受天兵四羅旂常婀娜駕
龍十一魚魚雅雅霄昇于兵奠壁獻畢眾樂敬焉作轟鞞融冶紫
焯噓呵高靈下植群星從坐錯落侈侈日君月妃煥赫嫫媼瀆鬼
濛鴻嶽祗嶭峨飲沃羶鄉產祥降撮鳳皇應奏舒翼自拊赤鱗
黃龍續陀結糾卿士庶人黃童白叟踊躍歡呀失音宣歐乾清坤
夷境落塞舉帝車迴來日正當午幸卅鳳明大赦天下滌濯刻磔

磨滅瑕垢續功臣嗣接賢任者孩養無告仁功施厚皇帝神聖通
達今古聽聰視明一似堯禹生知法式動得理所天錫皇帝為天
下主并包畜養無異細鉅億載萬年敢有違者皇帝勤儉監懼陶
瓦斥遣浮華好此綈紵勅成四方後則有登天錫皇帝多來與黍
無召水旱耗于雀鼠億載萬年富存貧饗皇帝正直別白善否擅
命而狂既前既去盡逐群姦靡有遺侶天錫皇帝處臣碩輔博問
遐觀以置左右億載萬年無敢予侮皇帝天孝慈祥悌友怡怡倫
倫奉太皇后浹于族親濡及九有天錫皇帝與天齊壽登茲太平
無怠永久億載萬年為父為母博士臣愈職是訓詁作為歌詩以
配吉甫

鄆州谿堂詩一章 并序

韓愈

憲宗之十四年始定東平三分其地以華州刺史禮部尚書兼御
史大夫扶風馬公為鄆曹濮節度觀察等使鎮其地既一年喪
其軍號曰天平軍上即位之二年召公入且將用之以彼之人安
於公也復歸之鎮上之二年公為政於鄆曹濮也適四年矣治成

制定衆志大固惡絕於心仁形於色竭公力以供國家之職于時
沂密始分而殘其帥其後幽鎮魏不悅于政相扇繼變復歸於
舊徐亦乘勢逐帥自署同於三方惟鄆也截然中居四鄰望之若
防之制水恃以無恐然而皆曰鄆為虜巢且六十年將強卒武曹
濮於鄆州大而近軍所根柢皆驕以易然而公永死亡之後撥拾
之餘剝膚推髓公私埽地赤立新舊不相保持萬目睽睽公於此
時能安以治之其功為大若幽鎮魏徐之亂不扇而變此功反小
何也公之始至衆未熟化以武則怨以恩則橫而肆一以為赤子
一以為龍蛇備心罷精磨以歲月然後致之難也及教之行衆皆
戴公為親父母夫叛父母從仇雖非人之情故曰易於是天子以
為尚書右僕射扶風郡開國伯以褒嘉之公亦樂衆之和知人之
悅而侈上之賜也於是為堂於其居之西北隅號曰谿堂以饗士
大夫通上下之志既饗其從事陳曾謂其衆言公之畜此邦其勤
不亦至乎此邦之人曩公之化惟所令之不亦順乎上勤下順遂
濟登茲不亦休乎昔者人謂斯何今者人謂斯何雖然斯堂之作

意其有謂而暗無詩歌是不考引公德而接邦人於道也乃使來請其詩曰

帝奠九壘有葉有年有荒有條河岱之間及我憲考一牧正之視邦選侯以公來尸公來尸之人始未信公不飲食以訓以狗孰飢無食孰呻孰嘆孰冤不問不得分願孰為邦蠹節根之蝥羊很狼貪以是覆城吹之煦之摩手捐之歲之石之膊而殊之凡公四封既富以強謂公吾父孰違公令可以師征不寧守邦公作谿堂播楛流水淺有蒲蓮深有兼葦公以賓燕其鼓駭駭公燕谿堂賓校醉飽流有跳魚岸有集鳥既歌以舞其鼓考考公在谿堂公御琴瑟公既賓燕藉經誦律施用不差人用不屈谿谿有賞必有龜有魚公在中流右詩左書無我數遺此邦是麻

漢隄詩一首并序

盧肇筆

上元年秋漢水大溢齧襄隄以入既沈漢鄂遂滅岷趾棟榱且流厭溺無筭襄之城僅以門免三日水去陷為大塗餘民棲于楚山號不敢下餒殍相挽其能全者什六七上大憂曰襄惟東南實阻

荆海若氣不息吾躬曷瘳今天下降下災于有漢庭垣盡滯茵散在淖有嬰墜井毋實號之今襄臣盡墜吾號尚及哉咨乃卿士疇能振之以易吾乳咸以地官范陽公舊理南粵為美率化甘于民心俾踐于襄必克底又上俞以往公既至省漢之溺由舊防之不固幾五十載又詢之漢水之不犯襄郭惟是其災既魚土庶災或能嗣孰以遏之寡民新漢之隄食敵其功資三其食因故隄之址廣倍之高再倍之距襄之郊繚半百里明年春隄成公具以疏上大歡復襄之疲民一犯賑穀十萬斛民既保寧謳歌怡愉既而舒蘇不智襄之災也昔狄敗衛侯于熒澤齊桓公之德今公之為是隄也襄有衛人之思焉而况宣天子之慈以生厥民曷齊桓之尚哉噫五材之生沴也必極于物物之既極天必資明哲以蘇之理之常也古之人有力保一邑勇禦一寇謂之有功尚以金石載之况捍大災救大患其美若是豈得無稱焉是宜以聲詩播之登于樂府惟漢亦有弘子之歌是可類之謹按正考甫作商詩公子奚斯命太史克請于周作魯詩皆其國之公族也肇於公為族孫

辛力於文所不置默惟峴之碑曰羊公惟隄之詩曰盧公是古今之相光昭也其誰曰不然詩曰

陰沴好陽來暴子襄泊入大郭波端若鉗觸厚摧高不知其防駭

潰頭委萬室瓦日致甕登蛟鼉堂集鱸鮪惟恩若離母不能子洪

潰既涸閉闕其虛已墮我堵以刺我虜酸傷顧望若踐丘墟帝曰

念嗟朕曰南顧流災降厯天曷台怒滔滔襄郊挫我嬰鴛於惟

餘毗飢傷喘呼火故斯為淫痍孰往膏傳惟汝元察僉舉明哲我

公用詣苴某杖節來視襄人燠大休憐又提挈不日不月哈乎

抃沈乃詠故隄陷于沙泥缺落坳坳由東訖西公曰嗚呼漢之有

隄實命之性命襄人不力乃力則及乃身具鋪與奮漢隄其新帝

廩有粟帝府有緡爾成爾隄必錫爾勤襄人怡怡聽命襄濟背

囊肩有杵奔走蹈舞分之卒任令以麾鼓尋尺既度日月可數登登

業業固旋上下披峴斷楚楚峴一山在襄南飛石輓十舉築般雷駭汗霖

兩疲瘞鰥獨奮有箴呀呀來助提篴負宮不勞其勞雜水晏語

咸曰盧公來賜我生斯隄既成蜿蜿而平確爾山固屹如雲橫漢

流雖狂堅不可蝕代千年億與天無極惟公之遺言在人心既築

既成橫之于南萌渚不峻此門不深今復在茲于漢之陰斯隄已

崇茲民獲祐童相慶室以完富貽于襄人願保厥壽繫公之功

赫焉如晝捍此巨災岬若京阜天子錫之百姓載之族孫作詩昭

示厥後

有所恨二章 并序

歐陽詹

有所恨由故人馬紳死而興也予待試京師六年與馬生相知者

四秋性與情相合也衣與食相同也予及第歸觀故園自別來無

憶不至於襟懷無想不至於姿容願一促膝怒如也昨既至止馬

生且疾巫者忌以見人曰不見即愈見即害遂忍即見妻以求見

忍者五日馬生去亡境故人也昔楚萬里猶求見焉感乎一言蔽

乎一垣而死生以之死生之道千秋之離也五日之面半旬之歡

也尚可半旬之歡不就而卒甘千秋之離一恨也又與生別慘執

都門生脫紫羅半臂曰即日相去奈矣聊以為憶予負也美余之衣

服不暇藏篋篋篋在身二年間同弊帛以弃所以新而輕者故

而不留者乎實柔衰馬其方少爾斯日日相與也所留何止在茲乎今人既往所贈又造次而亡之二恨也申一恨為有所恨三章云我思君子吁嗟萬里亦既至上焉不翻止本不信巫而巫言是履在門五日如待之死有所恨兮我思遺衣為憶以貽亦既受持曷不保持本不欺友而友情是違隔生之贈造次亡之有所恨兮

水悠悠寄姪老成也

韓愈

河之水去悠悠我不如水東流我有孤姪在海陬三年不見兮使我生憂日復日夜復夜三年不見汝使我鬢髮未老而先化河之水悠悠去我不如水東注我有孤姪在海浦三年不見兮使我心苦采蘋于山縉魚于泉我祖京師不遠其還

水悠悠三章

文粹卷第十一

乙卯二月廿日

文粹卷第十二

古調三

樂府辭上檢八十六首

吳興姚

鉉

纂

七德舞

白居易

湘絃怨

孟郊

箜篌引

王昌齡

箜篌謠

李白

放歌行

王昌齡

浩歌行

白居易

緩歌行

李頎

短歌行

李白

短歌行

張籍

善哉行

釋貫休

祖龍行

韋楚老

鄴都引

張說

永嘉行

張籍

後魏行

王穀

湘妃怨

陳羽

銅雀臺歌

劉長卿

銅雀妓

歐陽詹

魏宮詞

崔國輔

王昭君歌

劉長卿

王昭君

崔國輔

婕妤怨

王維

長信宮

崔國輔

怨詞

崔國輔

苦樂相倚曲

元稹

妾薄命

李白

白頭吟

張籍

烈女操

孟郊

節婦吟寄東平李司空

張籍

織女詞

元稹

靜女詞

孟郊

寄衣曲

張籍

白紵歌

張籍

貞節

征婦怨 張籍 春思 李白 春別曲 張籍

古樂府雜怨 孟郊 長干行 李白 古薄命妾 孟郊

母別子 白居易 夜夜曲 釋貫休

蜀道難 李白 行路難 張籍 行路難 李白

變行路難 王昌齡 太行路 白居易 梁甫吟 李白

走馬引 李賀 孟門行 崔顥 沐浴子 李白

將軍行 劉希夷 將軍行 張籍 霍將軍 崔顥

老將行 王維 鴈門太守行 李賀

從軍行 劉長卿 塞上曲 戎昱 塞下曲 郎士元

古塞曲 王季友 出塞曲 劉灣 燕歌行 高適

燕支行 王維 隴頭吟 王維 陰山道 白居易

胡無人 李白 飲馬長城窟 釋子蘭

關山月 張籍 古長城吟 王翰 長城作 鮑溶

古築城曲 元稹 築城詞 張籍 築城詞 陸龜蒙

聽董大彈胡笳聲兼語弄寄房給事 李頎

七德舞

白居易

七德舞七德歌傳自武德至元和和元和小臣白居易觀舞聽歌知

樂意曲終稽首陳其事太宗十八舉義兵白旄黃鉞定兩京擒兇

戮竇四海清二十有四功業成二十有九即帝位三十有五致太

平功成理定何神速速在推心致人腹士卒遺骸散帛收諸

下陣亡者致祭而瘞之飢人賣子分金贖貞觀二年大觀人有賣力者

魏徵夢見天子泣魏徵疾亟太宗夢與徵別既寤流涕是夕徵卒於

張謹哀聞辰日哭張公謹卒太宗為之舉哀有司奏曰陰陽所忌辰日

日沈怨女三千放出宮太宗嘗謂侍臣曰婦人幽閉深宮情實可憐

於掖庭轉趾數死囚四百來歸獄貞觀六年親錄囚徒死罪者三百九十

至家詔前刑須燒藥賜功臣李勣嗚咽思殺身李勣疾亟醫云待

血則知不獨善戰善乘時以心感人人人心歸爾來一百九十

載天下至今歌舞之歌七德舞七德聖人有作垂無極豈徒耀神

武豈徒誇聖文太宗意在陳王業王業艱難示子孫

湘絃怨

孟郊

味者治春草蕭蘭同一鋤盲矇然秋林曲直同一枯嘉禾已深青
直人悲巧誣靈均入迴流斬尚為良謨願我分眾泉清濁各有渠
願我分眾巢巢鸞鳥相遠居此志諒難保此意誠何如

空篋引

王昌齡

盧谿郡南夜泊舟夜聞南岸羌戎謳其時月黑猿啾啾微雨霑衣
令人秋愁有一遷客登高樓不言不寐彈空篋彈作荊門桑葉秋風
沙颯颯青塚頭將軍鐵驄汗血流深入匈奴戰未休黃旗一點兵
馬收亂殺胡人積如丘瘡病驅來配邊州仍披漠北羊羔裘願
飢枯擗面羞眼眶滴淚深兩眸還思本鄉食糲牛欲語不得拍胸
喉或有強壯能呻吟憂意說被他邊將離五世屬蕃漢主留碧瓦
帳河曲遊橐駝五萬部落稠勅賜飛鳳金兜鍪為君百戰如過籌
靜掃陰山無鳥投家藏鐵券特承優黃金千斤不稱求九族分離
作楚囚深谿寂寞絃苦幽草木悲感聲颼颼僕本山東為國憂
光殿前論九疇龍讀兵書盡實搜為君掌上施權謀洞曉山川無

與傳紫宸發詔遠懷柔搖筆飛霜如奪鉤鬼神不得知其由憐
蒼生比此蟪蛄綠河屯兵須漸抽盡遣降來拜御溝便令海內休戈
矛何用班超定遠侯史臣書之得已不

空篋謠

李白

攀天莫登龍走山莫騎虎貴賤結交心不移唯有嚴陵與光武周
公稱大聖管蔡寧相容漢謠一斗粟不與淮南春兄弟尚路人吾
心安所從他人方寸間山海幾千重輕言託朋友對面九疑案多
花必早落桃李不如松管鮑久已死何人繼其蹤

放歌行

王昌齡

南渡洛陽津西望十二樓明堂坐天子月朔朝諸侯清樂動千門
皇風被九州慶雲從東來決漭抱日流昇平貴論道文墨將何求
有詔徵草澤微誠獻謀猷冠冕如星羅拜揖曹與周望塵非君事
入賦且遲留幸蒙國士識因脫負薪裘今者放歌行以慰梁甫愁
但榮數斗祿奉養每豐羞若得金膏遂飛雲亦可求

浩歌行

白居易

天長地久無終畢昨夜今朝又明日鬢髮蒼浪牙齒疎不覺身年
四十七前去五十有幾年把鏡照面心茫然既無長繩繫白日又
無大藥駐朱顏朱顏日夜不如故青史功名在何處欲留年少待
富貴富貴不來年少去去復去兮如長河東流赴海無迴波賢愚
貴賤同歸盡北邙塚墓高嵯峨古來如此非獨我未死有酒且歌
歌顏回短命伯夷餓我今所得亦已多功名富貴須待命命苟未
來知奈何

緩歌行

李頎

小來託身攀貴遊傾財破產無所憂暮擬經過石渠署朝將出入
銅龍樓結交杜陵輕薄子謂言可生復可死一沉一浮曾有時奔
我翻然如脫屣男兒立身須自強十年閉戶頴水陽業就功成見
明主擊鍾鼎食坐華堂二八蛾眉梳墮馬美酒清歌曲房下文昌
宮中賜錦衣長安陌上退朝歸五陵賓從莫敢視三省官寮擢者
稀早知今日讀書是悔作從來狂俠兒

短歌行

李白

白日何短短百年苦易滿蒼穹浩茫茫萬劫太極長麻姑垂兩鬢
一半已成霜天台元玉女大笑憶千場吾欲攬六龍迴車挂扶桑
北斗酌美酒勸龍各一觴富貴非所願為人駐顏光

短歌行

張籍

青天蕩蕩高且虛上有白日無根株流光暫出還入地使我少年
不須更與君相逢勿寂寞衰老不復如今樂玉卮盛酒置君前再
拜願君千萬年

善哉行

釋貫休

有美一人兮婉如青陽識曲別音兮令姿煌煌繡袂捧琴兮登君
子堂如彼萱草兮使我憂忘欲贈之以紫玉尺白銀璫久不見之
兮湘水茫茫

祖龍行

韋楚老

黑雲兵氣射天裂壯士朝眠夢竟結祖龍一夜死沙丘胡亥空隨
鮑魚轍腐肉偷生千里偽書先賜扶蘇死墓接驪山土未乾瑞
光已向芒碭起陳勝城中鼓三下秦家天地如崩瓦龍蛇撩亂入

咸陽少帝空隨漢家馬

鄴都引

張說

君不見魏武草創爭天祿，群雄睚眦相馳逐。晝攜壯士破堅陣，夜
接詞人賦華屋。都邑繚繞西山陽，桑榆漫漫漳河曲。郭為墟，人
改代，但見西園明月在。鄴傍高塚多貴臣，蛾眉曼睩共灰塵。試上
銅臺歌舞處，唯有秋風愁殺人。

永嘉行

張籍

黃頭鮮卑入洛陽，胡兒持戟昇明堂。晉家天子作降虜，公卿齊走
如牛羊。紫陌旌旛暗相觸，家家雞犬驚上屋。婦人出門隨亂兵，夫
死眼前不敢哭。九州諸侯自曠土，無人領兵來護主。北人避胡多
在南，南人至今能晉語。

後魏行

王穀

力微皇帝謗天嗣，太武凶殘人所畏。一朝韃韃飛上天，子孫及作
河魚餌。

湘妃怨

陳羽

二妃怨處雲沉沉，二妃怨處湘江深。商人酒滴廟前草，蕭颯風生
斑竹林。

銅雀臺歌

劉長卿

嬌愛更何日，高臺空數層。含啼映雙袖，不忍看西陵。漳河東流無
復來，百花輦路唯蒼苔。青樓月夜長寂寞，碧雲日暮空徘徊。君不
見鄴中萬事非，昔時古人何在。今人非，春風不逐君王去，草色年
年舊官路。宮中歌舞已浮雲，空指行人往來處。

銅雀妓

歐陽詹

蕭條登古臺，回首黃金屋。落葉不歸林，高陵永為谷。粧容徒自麗，
舞態悶誰目。惆悵總惟前，歌聲苦於哭。

魏宮詞

崔國輔

朝日點紅粧，凝上銅雀臺。畫眉猶未竟，魏帝使人催。

王昭君歌

劉長卿

自矜妖豔色，不顧丹青人。那知粉黛能相負，却使容華翻誤身。上
馬辭君嫁驕虜，玉顏對人啼不語。北風厲急浮雲秋，萬里獨見黃

河流織罽不復漢宮寵雙蛾長向胡天愁琵琶絃中苦調多蕭蕭
羌笛聲相和誰憐一曲傳樂府能使千秋傷綺羅

王昭君

盧照鄰

合殿恩中絕交河使漸稀肝腸辭玉釐形影向金徽漢宮草應綠
胡庭沙正飛願逐三秋鴈年年一度歸

婕妤怨

王維

宮殿生秋草君王恩幸踈那堪聞鳳吹門外度金輿

長信宮

崔國輔

長信宮中草年年秋處生時侵珠履跡不使玉階行

怨詞

妾有羅衣裳秦王在時作為舞春風多秋來不堪着

苦樂相倚曲

元稹

古來苦樂之相倚近於掌上之十指君心半夜猜恨生荆棘滿
天未明漢皇眼瞥飛燕時可憐班女恩已衰未有因由相決絕猶
得半年伴暖熱轉將深意喻傍人緝綴疵瑕遺譖說一朝詔下

金屋班姬自痛何倉卒呼天拊地將自明不悟尋時暗銷骨白首
宮人前再拜願將日月相揮解苦樂相尋晝夜聞燈光那得天明
在主今被奪心應苦妾奪深恩初為主欲知妾意恨主時主今為
妾思量取班姬收淚抱妾身我曾拊膺無限人

妾薄命

李白

漢帝重阿嬌貯之黃金屋咳唾落九天隨風生珠玉寵極愛還歇
妬深情却踈長門一步地不肯暫迴車雨落不上天水覆最難收
君情與妾意各自東西流昔日芙蓉花今成斷根草以色事他人
能得幾時好

白頭吟

張籍

請君膝上琴彈我白頭吟憶昔君前嬌笑語兩情宛轉如紫素宮
中為我起高樓更開花池種芳樹春天百草秋始衰棄我不待白
頭時羅襦玉珥色未暗今朝已道不相宜揚州青銅作明鏡暗中
持照不見影人心迴互自無窮眼前好惡那能定君恩已去若再
返菖蒲花青月長滿

烈女操

梧桐相待老鴛鴦會雙死貞女貴殉夫捨生亦如此波瀾誓不起
妾心井中水

孟郊

節婦吟寄東平李司空

張籍

君知妾有夫贈妾雙明珠感君纏綿意繫在紅羅襦妾家高樓連
花起良人執戟明光裏知君用心如日月事夫誓擬同生死還君
明珠雙淚垂何不相逢來嫁時

織女詞

元稹

織婦何太忙蠶經三卧行欲老蠶神女聖早成絲今年絲稅抽微
早早徵非是官人惡去歲官家事戎索征人戰苦東刀瘡主將勳
高換羅幕線絲擦機苦難織東家頭白雙女兒為解挑紋嫁不得
余採荆時目擊貢絲織者言則裏裏游絲上上有蜘蛛巧來往羨池蟲
亦有終老不嫁之婦

靜女詞

孟郊

豔女皆妬花靜女獨檢蹤任體恥任結嫁德不嫁容君子未求聘

小人難相從此志誰與說琴絃幽韻重

寄衣曲

張籍

織素縫衣獨苦辛遠因迴使寄征人官家亦自寄衣去真從妾手
著君身高堂姑老無侍子不得自到邊城裏殷勤為看初著特征
人身上宜不宜

白紵歌

張籍

皎皎白紵白且鮮將作春衣稱少年裁縫長短不能定白持刀尺
向姑前復恐蘭膏汚纖指常遣傍人收墮珥衣裳著時寒食下還
把玉鞭鞭白馬

征婦怨

九月匈奴殺邊將漢軍全歿遼水上萬里無人收白骨家家城下
招魂葬婦人依倚子與夫同居貧賤心亦舒夫死戰場子在腹妾
身雖存如畫燭

春思

李白

燕草如碧絲秦桑低綠枝當君懷歸日是妾斷腸時春風不相

識何事入羅帷

春別曲

張籍

長江春水綠堪染蓮葉出水大如錢江頭橋樹君自種那長繫木蘭船

古樂府雜怨三首

孟郊

天桃花清晨遊女紅粉新天桃花薄暮遊女紅粉故樹有百度花人無一定顏花送人老盡人悲花自開

貧女鏡不明寒日花少容暗蛩有虛織短線無長縫浪水不可照狂夫不可從浪水多散影狂夫多異蹤持此一主薄空成萬恨濃。憶人莫至悲至悲空自衰寄人莫翦衣翦衣未必歸朝為雙。帝花暮為四散飛落花却遶樹遊子不顧期

長干行

李白

妾髮初覆額折花門前劇郎騎竹馬來遶牀弄青梅同居長千里兩小無嫌猜十四為君婦羞顏未嘗開低頭向暗壁千喚不一迴十五始展眉願同塵與灰常存抱柱信豈上望夫臺十六君遠行

瞿塘灘頭堆五月不可觸猿鳴天上哀門前舊行跡一一生文君苔

卷一作綠

苔深不可掃落葉秋風早八月胡蝶黃雙飛西園草感此傷妾心坐愁紅顏老早晚下三巴預將書報家相迎不道遠直至長風沙

古薄命妾

孟郊

不惜十指絃為君千萬彈常恐新聲至坐使舊聲殘棄置今日悲即是昨日歡將新變故易持故為新難青山有蕨蕪淚葉長不乾空令後世人採掇幽思攢

母別子

白居易

母別子子別母白日無光哭聲苦關西驃騎大將軍去年破虜新策動數賜金錢二百萬洛陽迎得如花人新人迎來舊人棄掌上蓮花眼中刺迎新棄舊未足悲悲在君家有兩兒一始扶行一初坐坐啼行哭牽人衣以爾夫妻新媿婉使我母子生別離不如林中鳥與鵲母不失鵲雄伴雌又似園中桃與李花落隨風子在枝新人新人聽我語洛陽無限紅樓女但願將軍重立勳更有新人勝於汝

夜夜曲

釋貫休

蟪蛄切切風騷騷芙蓉噴香蟾蜍高孤燈耿耿征婦勞更深撲落
金錯刀

蜀道難

李白

噫噓噓危乎高哉蜀道之難難於上青天蠶蟲叢及魚鳧開國何
茫然爾來四萬八千歲不與秦塞通人煙西當太白有鳥道可以
橫絕峩嶢巔地崩山摧壯士死然後天梯石棧相勾連上有橫河
斷海之浮雲下有衝波逆折之迴川黃鶴之飛尚不能過猿猱欲
度愁攀緣青泥何盤盤百步九折縈巖巒扞參差并仰脅息以手
拊膺坐長歎問君西遊何當還畏途巉巖不可攀但見悲鳥號古
木雄飛呼雌遶林間又聞子規啼夜月愁空山蜀道之難難於上
青天使人聽此凋朱顏連峯去天不盈尺枯松倒挂倚絕壁飛湍
瀑流爭喧豗砢崖轉石萬壑雷其險也若此嗟爾遠道之人胡為
乎來哉劒閣崢嶸而崔嵬一夫當關萬夫莫開所守或匪親化爲
狼與豺朝避猛虎夕避長蛇磨牙吮血殺人如麻錦城雖在樂不

如早還家蜀道之難難於上青天則身西望長咨嗟

行路難

張籍

湘東行人長歎息十年離家歸未得弊裘羸馬苦難行僮僕盡
飢少筋力君不見牀頭黃金盡壯士無顏色龍蟠泥中未有雲不
能生彼昇天翼

行路難三首

李白

金樽清酒斗十千玉盤珍羞直萬錢停盃投筋不能食拔劒四顧
心茫然欲渡黃河水塞川將登太行雪暗天閑居垂釣坐谿上忽
然乘舟夢日邊行路難行路難多歧路今安在長風破浪會有時
直挂雲帆濟滄海

大道如青天我獨不得出羞逐長安社中兒赤雞白狗賭梨栗彈
劒作歌奏苦聲曳裾王門不稱情淮陰市井笑韓信漢朝公卿忌
賈生君不見昔時燕家重郭隗擁篲折腰無嫌猜劇辛樂毅感恩
分輪肝剖膽效英才昭王白骨磷蔓草誰人更掃黃金臺行路難
歸去來

有耳莫洗潁川水有口莫食首陽蕨含光混世貴無名何用孤高
比雲月吾觀自古賢達人功成不退皆隕身子存既棄吳江上屍
原終投湘水濱陸機雄才豈自保李斯稅駕苦不早華亭鶴唳誰
可聞上蔡蒼鷹烏何足道君不見吳中張翰稱達生秋風忽憶江東
行且樂生前一盃酒何須身後千載名

變行路難

王昌齡

向晚橫吹悲風動馬嘶合前驅引旌節千里陣雲屯單于下陰山
沙磧空颯颯封侯取一戰豈復念閨閣

太行路

白居易

太行之路能摧車若比君心是坦途巫峽之水能覆舟若比君心
是安流君心好惡苦不常好生毛羽惡生瘡與君結髮未五載豈
期牛女為參商古稱色衰相棄背當時美人猶怨悔何況如今為
鏡中妾顏未改君心改為君薰衣裳君聞蘭麝射不馨香為君盛
容飾君看珠翠無顏色行路難難重陳人生莫作婦人身百年苦
樂由他人行路難難於山險於水不獨人間夫與妻近代君臣亦

如此君不見左納言右納史朝承恩暮賜死行路難行路難不在
水不在山抵在人情反覆間

梁甫吟

李白

長嘯梁甫吟何時見陽春君不見朝歌魯叟諱棘津八十西來釣
渭濱寧羞白髮照清水逢時吐氣思經綸廣張三千六百鈞風期
暗與文王親大賢虎變愚不測當年頗似尋常人君不見高陽酒
徒起草中長揖山東隆唯公一開遊說騁雄辯兩女輟洗來楚風
東下齊城七十二拍筆楚漢如旋蓬狂客落魄尚如此何況壯士
當群雄我欲攀龍見明主雷公砰訇震天鼓帝傍投壺多玉女三
時大笑開電光倏燦晦冥起風雨閶闔九門不可通以額叩關闔
者怒白日不照吾精誠祀國無事憂天傾竊喻磨石牙競人肉鴟
虞不折生草莖手接飛猱搏彫虎側足焦原未言苦智者可卷愚
者豪世人見我輕鴻毛力排南山三壯士齊相殺之費二萬貫越用
兵無劇子盡夫哈爾為徒勞梁甫吟聲正悲張公兩龍劍伸物合
有時風雲感會起看釣大人峴岬當安之

走馬引

李賀

我有辭鄉劍玉鋒，堪截雲襄陽。走馬使意氣自生，春朝燠劍花。深暮嫌劍光冷，能持劍向人，不解持照身。

孟門行

崔顥

黃雀銜黃花，翩翩傍簷隙。本擬報君恩，如何反彈射。金罍美酒滿座春，平原愛財多賈。賓滿堂，盡是忠義士。何意得有讒諛人，諛人翻覆那可道。能令君心不自保，此國新栽桃李枝。根株未固何轉移，成陰結子君自取。若問傍人那得知。

沐浴子

李白

沐芳莫彈冠，浴蘭莫振衣。處世忌大潔，志人貴藏輝。滄浪有釣叟，吾與爾同歸。

將軍行

劉希夷

將軍闢轅門，耿介當風立。諸將欲言事，遂巡不敢入。劍氣射雲天，鼓聲破原隰。黃塵塞路起，走馬追兵急。鸞弓從此去，飛箭如雨集。截圍一百里，斬首五千級。代馬流血死，胡人抱鞍泣。古來義甲兵。

有事常討龍，乘我廟堂運。坐使干戈戢，獻凱歸帝京。軍容何象晉。

將軍行

張籍

彈箏峽東有胡塵，天子擇日拜將軍。蓬萊殿前賜六纛，還領禁兵為部曲。當朝受詔不辭家，夜向咸陽原上宿。戰車彭彭旌旗動，三十六軍聲上隴。隴頭戰勝夜亦行，分兵處處收舊城。胡兒殺盡陰積草，擾擾唯有牛羊聲。邊人親戚曾戰歿，官軍收舊骨。積西行見萬里空，樂府獨奏將軍功。

霍將軍

崔顥

長安甲第高人雲，誰家居住霍將軍。日晚朝迴擁賓從，路旁揖拜何紛紛。莫言炙手手可執，須臾火盡灰亦滅。莫言貧賤即可欺，人生富貴自有時。一朝天子賜顏色，世上悠悠應自知。

老將行

王維

少年十五二十時，步行奪取胡馬騎。射殺山中白額虎，肯數鄴下黃鬚兒。一身轉戰三千里，一劍曾當百萬師。漢兵奮迅如霹靂，虜騎崩騰畏疾移。不衛青不敗由天幸，李廣無功緣數奇。自從棄置便

衰朽世事蹉跎成白首昔時飛箭無全目今日垂楊生左肘路傍
時賣故侯瓜門前學種先生柳茫茫古木連窮巷冥冥落寒山對虛
牕誓令疎勒出飛泉不以頽川空使酒賀蘭山下陣如雲羽檄交
馳白夕聞節使三河募年少詔書五道出將軍試拂鐵衣如雪色
聊持寶劍動星文願得燕弓射大將取令越甲鳴吾君莫戀舊日
雲中守猶堪一戰取功勳

鴈門太守行

李賀

黑雲壓城城欲摧甲光向日金鱗開角聲滿天秋色裏塞上燕支
凝夜紫半卷紅旗臨易水霜重鼓聲寒不起報君黃金臺上意投
攜玉龍為君死

從軍行六首

劉長卿

迥首虜騎合城下漢兵稀白刃兩相向黃雲愁不飛手中無尺鐵
徒欲穿重圍
落日更蕭條北風動枯草將軍追虜騎夜失陰山道戰敗仍相勸
韓彭但空老

草枯秋塞上望見漁陽郭胡馬嘶一聲漢兵淚雙落誰為吮痂
此事今人薄

日極鴈門道青青邊草春一身事征戰匹馬同辛勤末路成白首
功歸天下人

倚劍白日暮望鄉登戍樓北風吹羌笛此夜關山愁迥首不無意
淨河空自流

黃沙一萬里白首無人憐報國劍已折歸鄉身幸全單于古臺下
邊色寒蒼然

塞上曲

戎昱

樓上畫角哀即知兵心苦試問左右人無言淚如雨何意休明時
終年事鼙鼓

塞下曲

郎士元

寶刀塞上兒身經百戰曾百勝壯心竟未嫖姚知白草山頭日初
沒黃沙城下歌聲發蕭條夜靜邊風吹獨倚營門望秋月

古塞曲

王季友

佳軍飛狐北窮寇勢將變日落沙塵昏背河更一戰駢馬黃金勒
影弓白羽箭射殺左賢王歸奏未央殿欲言塞下事天子不召見
東出咸陽門哀哀淚如霰

出塞曲

劉灣

將軍在重圍音信絕不通羽書如流星飛入甘泉宮倚是并州兒
少年心膽雄一朝隨召募百戰爭王公去年桑乾北今年桑乾東
死是征人死功是將軍功汗馬敗秋月疲人卧霜風仍聞左賢王
更欲圍雲中

燕歌行 并序

高適

開元十年客有御史大夫張公出塞而還作燕歌行以示適感征
戎之事因而和焉

漢家煙塵在東北漢將辭家破殘賊男兒本自重橫行天子非常
賜顏色縱金伐鼓下榆關旌旗逶迤碣石間校尉羽書飛瀚海單
于獵火照狼山山川蕭條極邊土胡騎憑凌雜風雨戰士軍前
死生美人帳下猶歌舞大漠窮秋寒草衰孤城落日關兵稀身

恩遇恒輕敵力盡關山未解圍鐵衣遠戍辛勤久玉筋雁啼別離
後少婦城南欲斷腸征人刺北空回首邊風飄颻那可度絕域蒼
茫何所有殺氣三日作陣雲寒聲一夜傳刁斗相看白刃血紛紛
死節從來豈顧勳君不見沙場征戰苦至今猶憶李將軍

燕支行

王維

漢家天將才且雄來時謁帝明光宮萬乘親推雙闕下千官出
五陵東誓辭甲第金蘭裏身作長城玉塞中衛霍纔堪一騎將朝
廷莫數貳師功趙魏燕韓多勁卒關西俠少何咆
首騰飲酒不曾妨刮骨書戟瑀戈白日寒連旗大旆黃塵沒疊鼓
遙翻瀚海波鳴笳亂動天山月麒麟錦帶佩吳鉤颯沓青驪躍紫
駟拔劍已斷天驕臂歸鞍共飲月支頭漢兵大呼一當百虜騎相
看哭且愁教戰雖令赴湯火終知上將伐謀猷

隴頭吟

長城少年遊俠客夜上戍樓看太白隴頭明月向臨關隴上行人
夜吹笛關西老將不勝愁駐馬聽之雙淚流身經大小百餘戰塵

下偏裨萬戶侯蘇武纜為典屬國節毛空盡海南頭

陰山道

白居易

陰山道陰山道統邏敢肥水泉好每至戎人送馬時道傍千里無
織草草盡泉枯馬病羸飛龍但印骨與皮五十四練易一匹練去
馬來無了日養無所用土非宜每歲死傷十六七練絲不足女工
苦踈織短裁充匹數藕絲蛛網三丈餘迴鶻訴稱無用處咸安公
主號可敷遠為可汗頻奏論元和二年下新教內出金帛酬馬直
仍詔江淮馬漚練從此不令踈短織合羅將軍呼萬歲捧受金銀
與練絲誰知點虜營負心明年馬來多一倍練漸好馬漸多陰山
虜亦奈爾何

胡無人

李白

嚴風吹霜海草凋筋幹精堅胡馬驕漢家戰士三十萬將軍兼領
霍嫖姚流星白羽腰間插劍花秋蓮光出匣天兵照雪下玉關虜
箭如沙射金甲雲龍風裏盡交回大白入月敵可摧敵可摧旄頭
滅履胡之腸吐胡血懸胡青天上埋胡紫塞傍胡無人漢道昌

飲馬長城窟

釋子蘭

游客長城下飲馬長城窟馬嘶聞水腥為浸征人骨豈不是流泉
終不成潺湲洗盡骨上土不洗骨中冤骨若不流水四海有還魂
空流嗚咽聲聲中疑是言

關山月

張籍

秋月明朗關山上山中行人馬蹄響關山秋來雨雪多行人見月
唱邊歌海邊漠漠天氣白胡兒夜度黃龍磧軍中探騎暮出城
伏兵暗處低旌戟漢水連天霜草平野駝尋水磧中鳴隴頭風急馬
不下沙場苦戰多流星可憐高國關山道年年戰骨多秋草

古長城吟

王翰

長安少年無遠圖一生唯羨執金吾麒麟前殿拜天子走馬為君
西擊胡胡沙獵獵吹人面漢虜相逢不相見遙聞鍾鼓動地來傳
道單于夜猶戰此時顧恩寧顧身為君一行摧萬人壯士揮文迴
白日單于幾血染朱輪迴來飲馬長城窟長城道傍多白骨問之
耆老何代人云是秦王築城卒黃昏塞北無人煙鬼哭啾啾聲沸

天無罪見誅功不賞孤魂流落此城邊當昔秦王按劍起諸侯膝
行不敢視富國疆兵二十年築怨興徭九千里秦王築城何太愚
天寶亡秦非北胡一朝禍起蕭牆內渭水咸陽不復都

長城作

鮑溶

蒙公虜生人北築秦氏冤禍興蕭牆內萬里防禍根城成六國亡
宮闕啓千門生人半為土何用空中原奈何天下人骨肉尚酬恩
投沙擁海水安得不久翻乘高慘人魂寒日易黃昏枯骨貫折鐵
沙中如有言萬古驪山葬誰知野火燭

古築城曲五首

元稹

年年塞下丁長作出塞兵自從冒頓強官築遮虜城
築城須努力城高遮得賊但恐賊路多有城遮不得
丁口傳父口莫問城堅不平城被虜圍漢斷城牆走
茲虜請休和虜往騎來過半疑兼半信築城猶嗟哉
築城安敢煩願聽丁一言請築鴻臚寺燕愁虜出關

築城詞

張籍

築城去千人萬人齊抱杵重重土堅試行錐軍吏執鞭催作遲來
時一作深積裏著盡短衣渴無水力盡不得拋杵聲杵聲未定人
皆死家家養男當門戶今日作君城下士

築城詞二首

陸龜蒙

城上一培土手中千萬杵築城畏不堅堅城在何處
莫歎將軍逼將軍要却敵城高功亦高爾命何勞惜

聽董大彈胡笳聲兼語弄寄房給事

李頎

蔡女昔造胡笳聲一彈一十有八拍胡人落淚向邊草漢使斷腸
對歸客古戍蒼蒼烽火寒大荒陰沉飛雪白先拂商弦後角羽四
郊秋葉驚撼撼董夫子通神明深山竊聽來妖精言遲更速皆應
手將往復旋如有情空山百鳥散還合萬里浮雪陰且明嘶酸
雁鳥失群夜斷絕胡兒戀母聲川為靜其波鳥亦罷其鳴烏珠部落
家鄉遠邏沙沙塵哀怨生出音變調忽飄灑長風吹林雨墮荒
泉颯颯飛木末野鹿吻吻走堂下長安城連東掖垣鳳皇池對青
瑣門高才脫略名與利日夕望君抱琴至

唐文粹第十二
乙卯二月三十日

壽